

靜

嘯

齋

存

草

靜嘯齋存草

卷之十

寒竽草之五

爲若木壽其毋至贈范倉伯計七十八首

靜嘯集存艸卷之十

董斯張遐周甫著
西吳韓曾駒人穀甫訂

爲告木壽其母張令人七十

冬日燠如春日晴請呼婆女爲長庚小人同爾有賢
母東魯祇今聞兩生晞髮詎殊九臯雀侍餐還上五
侯鶴蔡卿富貴吾自有無訝此兒猶不鳴

半松閣贈法孺沙彌

涼颺曾就夢邊吹倚閣蒼虬隱現時莫謂一鱗秋雨

足鶴巢猶在最高枝

代少年看閨人鬪草四絕句

百種春香散綠蕪今朝鬪勝昨朝無贈嬾青鏤江淹
管何事遙偷謝客鬚

其二

揀遍梁園碧玉叢女郎誰肯殿春風一莖拈得應微
笑丈六金身在此中

其三

妃中第一草無雙虞美人兮艷一江覓得寄奴求與

賭肯留狂客著紅窓

其四

無情草自闌離離碧袖初盈蝶未窺莫遣晴春有閒
日梅花落已笛中吹

訓外舅屠庶翁同若木夜泊見懷之作次韻二

首

風期真不負童子候谿程携伴較雲寂入晨仍霧行
弦徽當日賞河漢幾人傾盡許蠲苛禮將無懶益成

其二

半途漁激黑林隱不諳程辛苦遲君意翻如乘雨行
睡當茶欲破心指月齊傾夢理茲應折膏肓賴未成
外舅庚翁同若木見訪偕長文孟樸君輔分得

寒字

蕭晨暢清對要久晤成難縱復夜仍雨自然忘我寒
無散歌季女斗酒憶長安更理湖橋約重來指一彈
又代小史分得江字

不臥繁華社觴飛祇北窓戴鉤纖手怯說餅夜寒降
翠袖人凭檻紅梅昨到江豈令幽事懶礪碧正淙淙

贈小史二首

江頭未必有芙蓉
寫得烟姿好伴儂
記向方諸官裏見
秋乾香海夜還逢

其二

練裙痕滲墨花初玉案
何能一報渠便是青童馭鸞
去不忘頻寄上元書

寒夜姚叔祥見訪先是庚翁外舅若木適至同
長文孟樸陳校書小集分得人字二首

扣門呼酒憶前塵
玄味纔知老更真心到最歡浮一

石客來不速偶三人夜飛錦句驚初日花在溫鄉望
早春未許歸帆催小鳥石尤風豈弄珠神

其二

君留祇爲相知舊添一相知樂勝新鏡裏見三千丈
髮室中有十二年人語如庭月當心出韻借江梅鬪
脣頻預作春風來歲約酒壇儘可著閒身

戲詠鴛鴦栗四首

莫是連枝種不羣陶家覓得倍殷勤無情睡熟秋山
雨羅列行底幾樹雲懷子日如雙戢翼贊姑中有全

歡文擬將換入雕梁裏生怕當前頸乍分

其二

行行只今宿香渠化作黃蠅抱殼居心比斷金緣剥
後色驕連玉試蒸初雙拳釣弋夫人並對偶吳興僕
射蹏裹袖喚郎猜更怯那能聞一便知餘

其三

葉底雙栖抵偶然幾曾飛慣蓼花天猿偷盡了頭猶
並鳥啄閒時夢未圓結處那尋前後際摘來已帶合
離縫從今不用裁文綺以此投君更可憐

其四

何如二叟橋中時偶雜薪間酷肖之只在一巢看不見未曾分伴剖方知蘊珠宮裏輕寒共太液池頭艷影疑趁個紅鱸應乞取雙心爆出笑來窺

韓仲弓居山詩二首

山不少緣郭考槃茲獨餘林黃村罷獵碧石辭漁桂樹還招伴梅華亦映書預愁妨寢夢文字習難鍤

其二

日日山在臆妬君雲作身一丘一壑處不惠不夷人

城月到崖異谷樵嫌鹿馴深知通隱字悞殺問花津

壽外舅大司空沈公詩三首小序

癸亥秋公以三品滿北觀是冬拜大司空攝
戎政乞假里門七袞初度實在季夏外姑查

夫人亦以是歲五月稱六十九矣政府朱公

宗伯溫公咸序公保演續爲壽甥斯張系之

以詩

家授魚鉉走百靈

先公王陽先生曾亞司馬贈兵部尚書

仍聞杜預薦

橫經然藜太乙三山月

公先視閩學政

吼雨見池七劒星海

定坤維通益部天留半壁報彤庭令匏更有入偕老
賜得歌鐘好共聽

其二

石城奏績紫官辰桂月方懸滿宇新溟海一清臣似
父介圭初覲帝如神日當在柳宮仍夏壽恰齊
肩酒代春試映壺冰慙不了閒居未現種花身

其三

督秩初聞帝語溫璇天賜假暫谿村快憑擊楫
澄江手去擁高牙大纛尊庭玉分觴同壽母袋魚割

紫及曾孫橫身宇宙誰公似日觀還誇北斗捫

次韻溫宗伯癸亥除夕之作

甲子

題闕書徵遍歲除東山雲月望寧虛補天好手無多讓
破浪奇懷儻亦如君秉禮宗誇玉藻我箋詩義得
春鋤年來百事都非昨賦就閒情或有餘

次韻溫宗伯甲子元日之作

氣奪詩雄又一新情隨年少孟陬辰隔春殘雪晴猶
在今日溪花放漸勾大澤高山常入夢朱門蓬戶總
成真我歌多黍須公出恒雨恒陽足討論

范長倩參藩住山數年初有掌珠之喜却寄
桂冠神武如方瞳筆陣雲間聞兩雄曾雲正爾有結
構明月可以開心胸烏烏歌罷巢乳燕鳳鳳琴殘日
送鴻亦知同學三宰相不買天平山一翁

長卿宗伯復有麗什見酬再次韻走和

興如霜草未敎扶颯颯蒼髯半就枯好句難成眉上
月新篇忽解簪中珠春纔七日梅爭發氣動初蘋蕙
不孤若到京華應憶我煙汀漁釣漸無徒

繹溫之伯前什有出處維谷語太公殊善飯宜

早出三詩勸之

晨裝燕路先鴻鴈人日初晴穀日和縱是不貪靈壽杖還須一寢鳳林戈弄孫況足含飴樂將父誰煩集栩歌却笑爰居駭鐘鼓長天拭眼阿鴻摩

其二

五城靄紫曲江池遲爾瓊筵一訪疑宗社靈長黃髮壽明堂雅頌白華詩幸哉有子今如此豈若吾身早見之直使青雲干呂後拂衣未老獻霞卮

其三

勸駕聊同曝日云從來亦解悵離羣庭闈命子唯酬
國巖壑招朋未許君正好說詩尊漢相不妨後閣着
朱雲太平十二予無策茅屋神寒借上聞

記夢中句

散得石上花月碧不成暝及與歸鳥歸谿流到門靜
東張泰氏

春寒頗復奇照雨燈若醉強項不着縣筆掣頓妨臂
稍歡庭際梅遲吐有深意呼兒讀漢書臥聽藝文志
此中解者誰嬰鳴適林次聞君放生後巾濕西禪寺

十爪禮石幢雪茗淪靈肺晚及僧話歸到家亦何事

春日寄張伯陽并示嚴慧二開士

家人促且再除夕仍寺樓寫經數十行凍指課似讐
二衲相與商遲旦將放鳩猶苦魔力勁截渚多沈鉤
生爲萬物齒願同于聖憂稔知春陽心可與窮達謀
我語靜中得仁者呼爾不支公何夷然神駿方所求
客有謂余病良愈當北遊者

終日飲酒不五合半盂晚稻裘鳥納偶然臨得戲魚
帖禿半巾書過殘臘我狂欲醒君勿譁草堂得意春

無涯藥鑪漸熟文武火菜畦雜綴金錢花簪當早抽
錢早棄不如枕書兀兀睡往時天下殺英雄薪蠟空
教奴輩利

春日得朱少傅相公手書兼致大貺寄謝二首

元臣領史天章重錫馬曾經畫接餘文武家風
姍旦禮古今人表孟堅書星垂上將懸中斗嶽到高山
僻石間獨有孤生寒似竹也煩槐鷗問何如

其二

二月餘寒雨未晴瓦鎬石火煮黃精雀從日下傳書

慰錦賚天孫照眼驚不負萬裘酬夙志宛如三揖費
逢迎儻然病起應西笑翠樹葱青賦擬成

飛英塔院尋友

輕舟西問君未敢負春雲先我求茲寂逢僧接所欣
塵斜承塔影燈暗近鑪芬猶有著書癖余將覓舊聞
朱漢卿携榼觴我峴亭下同錢美祖趙長文舟

中集

醉不在湖上春游良已虛而徵好事者旋理午風餘
都黛俄驚電是日雨電灘黃少下漁賞茲雲物變小泊且

精廬

茗上喜晤錢美祖

村墅濶轉久有懷無不知服竒仍取蕙饑療乃歌芝
湖出當年碧舟訛一日期營營竟何獲爾我儻非癡
不見丘叔遂十五年矣春日與憲公見訪長文

同集

燈事忽焉盡有人殘逕苦不嫌泥雨後言趁衲僧來
師惟鬚無日遊從溪適回情癡重舉似快雪動餘哀

叔遂爲寫題

之先生文

寄訓韓人穀二首

十里匡山色逢君藏不能翠微流水句前劫住庵僧
筆墨真無礙飛潛亦偶乘儻容游屐繼勿剪澗邊藤
其二

谿雲淨於掃林寂籟初吹璧月照人夜尺書遺我時
寒涼遙清棹落落青冥期所以晤君意山靈應或知

春雨

未有意能敗竹窻如在林夕香分草夢春紫到闌心
脉脉故人雨遲遲鳴雀陰燕來何不早似惜落花深

白雀行贈周虞卿

有小引

虞卿乙丑春七袞矣昨三千里謁里中相公
遇殊厚比其歸猶懨塵余哀其老而窮愁爲
作白雀行吊之昔人以青蠅吊往今以白雀
吊生試令樵青作淚粧歌一闋老周郎當

顧否

白鶴雲愁墮江面燈前吹盡梅花霰但見蠟燭當戶
織紫錢滿庭沾不得寸田尺宅春茫茫七十老人歸
自傷往年眠雪幽州市丞相欵扉屏掾史高軒却自

朝天至醉魄如山搖未起有脣那學君卿癡五侯何
物絳雙眉歸來解裝諸女問老骨虞翻凍不堪忍囊携
河上一編書蹇衛駛還不曾損楚萍泛雨命若煙偷
兒猶妬王家魑夢回劙折夷門道俠客精魂道邊草
石頭鍊出穠華天桂薪剛遺侏儒飽漁蓑壓船當敝
廬只網珊瑚不網魚鮫人寫淚一萬點化作金醪青
玉盃幅巾斜聽黃鸝晚

乙丑秋熱苦旱作俳諧體廿五韻

淫霖方昨嘆旱魃復今譎矯枉何其過含生忍再凋

庭榴看葉卷池藻畏莖憔毒熱雄銷骨繁憂坐達宵
僧嫌茶施盡僕苦浴薪饒炙手嗟無避層冰想竟遙
桔槔聲漸燥盆盎淳如潮舊井皆逢漏沿林祗給樵
鳩喚全塞兌蟻穴懶遷喬俗傳蟻遷穴則有雨出市霞無信誰知日月似華年
初霞不攀弓月可描吾少雨多風星非名士聚雨似
大夫招淺港乾菱蔓蔬園臥豆苗稻泥龜兆坼桑蔭
火雲燒禱社驅巫覡迎神列鼓簫楊枝童子首埋
諸童子以柳枝腰開令公日禁殺偷懸狂
蟠首三步二非角席縣官腰素服禱雨禁殺偷懸狂
開渠議買鉢未容愁蚌脯直慮起蝗妖城閉難呼鑰

渙行不要橋曲占魚骨喜

俗傳魚骨
則有雨

尖怕燭花搖

俗傳

燈花尖

則天晴

米價踊中勦民腴消更消斷炊鄰嫗瘠退糴

富兒驕桺腹誰能忍探丸恐或挑汙邪求半活霖霖

望崇朝比者租庸急空思惠澤邀傳聞珠足採

水潤甚數

里間多割蚌
者往往得珠吾欲緝江蕭

題李長蘅畫三首

層嶂倒如楓赤茂林翻寫螺青却憶廿年前事武夷道上曾經

其二

摩詰擊來世界驚爲格外之談不見管丘潑墨苔牋
一片江南

其三

花任天風吹老鳥從日暮忘還碧潭寸寸秋色何妨
置我其間

壽朱少師相公七泰

公亟辰當元日

謾謾風澄百沵松獨持經術補山龍北辰玄默尊臯
柄東序清嚴列大鏞天未能忘新事業帝方延
衍舊勲庸謝家羣玉紛爲壽唉語王正恰首逢

其二

何似靈光魯未傾。歸然元老贊昇平。
致身如此心彌下。報國歸來力尚羸。
日借趙衰春倍暖。霖求傅說旱無驚。
絳帷況復霑河濶。試出新歌和早鶯。

寄沈彥威駕部兼東孔璋

誰嫌落落臥雲餘。不違君家隔敝廬。
梅瘦尚香何遙句。石奇仍滲米顛書。
纔知魏闕通高隱。自檢垠函證太初。
近得惠連頻晤否。夜中縞雪已盈除。

于昭彥至得修微金昌書

江蘋碧如許雁路去應深訊及曾來客彌生初別心
水天帆一點香雨樹雙林賴得歸猶未經旬結畫陰
見吳門徐元歎詩却寄

亂頭坐爬搔我忽青靄鴈山五百里飛瀑吹人帶
廻是吳會吟一吟一思拜識渠落想處只與修竹對
楚風今快哉江左導靈派那緣熱惱境清冷拂高簷
驟令寒暑幻真有神物丐露夕發蟲寐秋燈結花木
雨苔綠踰月觸眼少成歡人在局中盡天於離後寒
孟樸見過小齋夜集聞孟樸艷詩

坐深溪柳臥春往砌花單吳會浮雲滿予懷遡湍

送長文之鍾離兼東唐宜之別駕

說貧殊不惡饑寒乃知難遊亦在濠水囊猶餘墨丸
遙知儼吏見真作故交看近狀吾差慰清齋但壁觀

壽宗姪心齋

居士吾宗真靜者中年白業效毗耶卽看眉壽人同
隱况是肩隨子克家庭謐祇傳繁露草尊清長擁拒
霜花余方近市慚平仲從汝湖渭覓釣車

睡鸚鵡同韓人穀

籠開花寂晝偏長魂倦猶依隴樹翔調罷禿衿嬌未
起啄餘紅粒慧還藏狸奴偶過渾忘怕燕子頻挑舐
自忙恰值漢宮招女伴幾多心話起商量

蜻蜓撲火和陸嗣端

其柰輕身觸焰何曾飛上下弄清波似逢歸燕投窓
疾將認流螢逐伴訛驟使雙珠沾蠟膩偏驚左翼掠
花多脫纓剛喜機緣巧碧袖明朝染似他

鳳鳴寺訪林公

市聲遠不來秋鐘鳳鳴寺餘花動羣鳥古苔寂深翠

此中衲子清蓮魂遊戲旁作形家言茗齋談倦坐斜
月籜龍奏風青戛戛歸船門外停涼煙舉手謝師船
次眠

舟中蟋蟀二首同孫孟朴韓人穀作

一葉歲亦好不如庭草深飼求菱角便躍近釣簑尋
隔渚人携鬪游魚夕候吟兒童苦相索彼岸九秋心

其二

嚶嚶自有託何意雜潺湲一種夜涼聽已殊寒砌閒
纜移籠未穩帆息訴難開估客纔無寐情於歲暮闌

寺中猿同孫孟朴作

漸向老僧熟禪扉仍晝局住啼如聽梵掉臂戲繙經
未便騰林竹常思撼塔鈴不眠非習定影亂佛燈青
秋日夏長卿戈行可同修微過訪作

午鷄才破睡料理藥鑪餘快挹翛然佀疑繙未見書
洞庭秋不盡霽色定何如北客征期峻扁舟事詎疎
丁巳晤于昭彥於雙徑今乙丑相過別逾八年
矣小齋畱集喜賦一首

正月凌霄峯上雪千秋句曲洞天人歲華誤客真谷

易朋友聯袍亦有神桐徑掃花畱夕語桑鴻喚雨嬃
晴春緣君領得麻姑耗幾日松齋共擘鱗

閔子京湘煙錄歌

豎儒耳學矜榆枋索驅馬腫皆其常墨守師說堅若
媚不覩若士遊忽荒手捲蛤蜊雲中翔閔生憤此肯
欲張青露晨飲火聚糧綠圖紫書盈緹紺鉢摘油素
第三霜彼姝者孫抽七襄玉爲燕尾錦作囊丹藥之
屑金壺漿藥淵龍燭騰九芒熊熊魂魄天柱旁神姦
夜嘯寧敢歲花源詰屈迷漁郎白鸞尾掃空煙蒼煩

憮爾談層冰涼誰云醫俗無有方山河作舞清琴揚
數得閔康侯所假書忻然有寄廿六韻

秋暑苦灼人簞息不曾帽竹樹都歛然快雨適相勞
遽看市塵洗轉欣田黍膏倦呼舟丘芽詎羨尊絲芼
好音頃西來字字慰幽蹕蘭緘粲然啓珍于鼎納鄙
卮言雜俳諧莊語儼墳誥玄搜則抽蘭迅步乃飛瀑
我硯蕪不治舊聞猶減龜俗諱三鱣講家愁五犧耗
借書竟何門負作非所懊學海擬杭之溟涬歎誰導
愍余藿食者忽有弦商犒味如投釀均心無入官姻

朝醒獲枯漿一讀起聾眊末光良不遺瓊華絕稱報

吾兄宿讀流藝場建雄纛神頴標綺年殖學壓耆耄
小宋殊磊磊謂子京小阮仍浩浩謂生甫架箋時互掣絃

軫必齊操相賞松石間微言輒窮奧蘭叢芳屢振玉

積輝彌到析疑曠縵疾才宅銘余好富貴浮曲肱久

識靜若躁山栖君昔詠水樂余非傲深有靈嶽期汝

領耻空告

吉水謝君鷄遇盜吳中經年不獲歸贈之以詩

常翻游俠傳驟使恩讐深未能代君謀歸泊南浦陰

天爲群貴人雨却千黃金敝裘命才士焦尾必異音
賚亦賚盜糧懷璧往所箴吳昌十萬家一無淮嫗心
欲寫廬陵圖傍揅古劍鐸圖以慰羈魄劍以激豪吟

壽張稚通七十

吳興文獻紀稍見峴山書此事君爲政令人憶古初
訓尊前輩法俠耻少年疎莫以老人老王門仍曳裾
題伯念兄贈姚叔達畫

何來玄覽齊中筆不異芸暉閣裏人寫與茶山山水
上釣船載却賽茶神

北人有俠而隱者贈之以詩

丙寅

華頂臥蓮花到天不盈尺欲攀若木枝金妙安足食
征時報恩効滲血掛蘿壁生事付兒曹楚漁竟誰覓

題張仲美暖月阿二首

丁卯

吳質不成眠錢居醉客天桂輪春夜夜花靄自娟娟
未凍偶焉雪非秋何處煙此中樓百尺臥下也蕭然

其二

太古無肅殺空明常藹如伊人有玄會持此額樓居
床吹一窓隔清輝閑坐餘眷言同賞處隣曲或容余

洞庭張仲美姜文載過訪留集同張宿明

中田將課穫雨氣及冬初適快經旬霽欣逢二客如
尊秋動高詠山翠落貧居亦有愚公興移之計不踈
送紀宣符入建安訪仲子復明府遂有幔亭之

游

窮村伴咿唔石燈點秋壁彈指廿年許草甫越中適
余廢君復艱文債逃無策君初未有子高襟禱晨夕
多兒更爲累中饋頗貽謫將尋武夷君延賚玄金液
豈惟陶靈風先以脫穢籍臨邛况舊雨訪故試停輶

褚公備四氣百里暫紓迹紅泉或方舟丹粧且偕展
覓余往游處題字想苦積結佩懷蘭丘熹微惋鸞翮

寄韓仲弓

傳聞長谷先生宅亦有潛龍卜此閒天在高寒真不
夜雲橫窈窕似無山語從雙徑拈來用門向三人影
處關却訝一塵銷未落狂生百里借書還

閔觀我五十初度壽之以詩得十四韻

山隣孺子青渚映桃花綠不噴纓冕素早郁韋韋句讀
瓊笈艷遐年靈蘭研秘籜戲揮活人手醪液救鄉曲

余生乖攝衛狂駭類奔鹿中歲似尋微禾可呼丹伏
泥雲無隔逕琢珊瑚通還樸語君爲首肯此諦得仙肉
時時奉顏笑繕性鷄而木吾自適吾天輶下直局趣
四十九年餘達觀洞無欲好生及豚魚樹藝先杞菊
逸妻良耦鴻臚嗣都成鶯杯前鸞鵠舞金波乍當屋
錢塘王邑侯太夫人祝言

北峯自言巍不如明府標西湖自言清不如明府操
漁火斷宵渚雉影娛春阜競遊長日中姬育經不調
遡源以求之賢母維甄閨服義飭輝形豎節旌鷺濤

棘梅有均愛滲瀉無輶勞茹荼四十霜終獲象服襯
欣茲觴大耋扳輿馭晴飈百里頌神君可以爲儔韶

友人春游洞庭風阻潯水詩以招之

湖寘碧何處帆臥閒如人客憐山梨花十樹九樹貧
更爲梅也愛山情似非倫境孤賞斯注遇晚心必勤
寶書入吳苑奇蹟春泯泯齊前掃徑石每帶苞山雲
據懷亦有酣逃喧猶有文始倣毛仙翁晚于余見君

贈范舍伯

清遠東南歸雪上斯人生適在其隈披圖欲與怒先

出對酒都如中散頹蕙帳未曾敎崔怨竹門不敢
山開五男況有柴桑樂乘馬輕肥陋矣哉

靜嘯齋存草

卷之十一

詩餘

附

清江紅至鶯山溪計三十九闋

靜齋集存卷之十一

董斯張遐周甫著
西吳

韓曾駒人穀甫訂

浦江紅一闋
并小序

從嶺南來者持幅紙贈潘君上有印一相傳
土人於江濱拾一鐵章識者辨其文爲壽亭
侯印四字持以辟瘞多愈者漢壽縣名用修
已訂之壽亭侯里巷諺耳且季漢時寧有文
移俗篆耶第昔人誦杜詩尚可愈瘞歸命明

神靈通白格實有是事壯其神異爲拈一詞

以寄忠憤

氣壓中原卯金隅星迴天掣熊羆帳春秋一卷大江
歌雪白馬解圍留不住紫髯乞婦冠衝髮看侯章生
氣凜千秋降魔鐵○荊州土吳兒孽白衣櫓書生滑
歎啼鵠蜀道碧秋如血心在人中真不死日懸天上
光難滅笑孫權化作秣陵煙江空咽

如夢令

寒燈

前夜碧池風緊劃斷塞鴻殘陣爐掉半山雲搖曳短

檠將隱紅暈紅暈做就蠟梅花印

長相思

冬夜

酒闌珊興闌珊裹袖摩琴不敢彈一燈相對寒○擬
雲鬟亂雲鬟低背屏風卸玉環影兒還好看

醉花陰

五月贈內

碎綠橫谿鶯舌嬾乍見朱榴展囊錦刺宜男汗裏采
紺樓下銀鉤捲○雙成把酒低低勸量莫些兒欠青
案瑟初調續命絲纏撒個鮮梅撚

繡停針

吳芊作贈內

清江子
夕雨後照一殘紅鑚菊影微亞風快如刀驚颺竹窓
何處短亭班馬墨卿圖霸空冷盡酒壇茶社老天也
似憐儂眼前玉人如畫○功名一唾者好共伊料理
琅書一架鍼繡初停閑作佛奴不枉謝家林下芋頭
燒罷直舉似草頭遺話藕花世界那時紫鸞雙傍

漁家傲

雪夕

修竹青青潭不見憐人庭下梨花亂一夜颯風吹未
斷鈎針晚硯池冰冷琉璃眼○閃入紅樓狂蝶戰蕭
蕭打却纏綢遍雪也多情還等伴鴛衾短香奩怎賽

人兒暖

憶秦娥

私語

歌桃葉今宵償得前宵業
前宵業聽厭晨鐘願成胡蝶
○夢中腕玉輕輕捻春芳如此
生拋妾生拋妾蕙老蘋黃
不多時節

海棠春

本意

清明做盡東風酷斜雨後睡殘新浴扶出阿環嬌嬈就臙脂玉○簾半映殘鶯啄魂斷處將開未足小院倚紅闌欲替江妃哭

春雲怨

雷落海

谿橋解凍乍小園風陡雪梢微動可惜月明如昨漸
少覓裳人受用拜倩東君寄聲青鳥訴向花神好珍
重拂水斜枝長教伴鶴休唱渭城送○留伊照破繁
華夢便班行姚魏璠芳誰共忍曳仙裙趁歌鳳素手
亭亭玉笛誰家任渠孤弄交甫情癡沈郎春怯攬住
冰魂一縫

鵲橋仙

代寄修徵

夢咽金屏推蠟等雁閑坐孤山香雨水仙祠畔那人

逢剛認做梅花一樹○楚客秋招魂粘葉去曲罷湘
靈無語小孤山占大孤青問何似西泠舊路

踏莎行

夏日閒居

遊歇斜鄉簾紋冰皴摩娑眼角呼泉漱蕉窓一帶逼
空青如蓬故客湘川舊○瓦跳鳴秋審龍烹就清涼
福聚閑人受溪邊小步闌風斜柳綠碧罩漁汀瘦

菩薩蠻三調

閑情

霎時喚去留無策慈悲雨點爲媒伯行不得哥哥共
如泥滑何○紅鸞還照我不怕伊家躲祝語到天明

一春無日晴

其二

君還不到春將去君歸無處將春補梁燕落紅泥打
斜簪髮犀○隣家癡姊妹笑語撩人淚供得一甕花
倒頭呆看他

其三

春風帶你傳花信情癡那及寒暄問伴恨交郎肩搭
紅三月天○徐娘真個會不放人閑睡睡到日西斜

牡丹斜一枝

桃源憶故人 春怨

軟紅骨節支春暉。輕薄桃花教就前度清明。今又人
去來難勾。○有人硬伊心否。玉也爲伊磨瘦。燕子呢
舊時候似把無情咒。

落魄

感舊

當年落魄江村聽。盡荒雞惡五更茅店霜華薄。病馬
凌寒夢到麒麟閣。○江南舊路都行錯。黃庭一卷閑
歸學神仙傳裏真堪託。劙佩蒼龍習氣難除却。

虞美人

禮佛

秋闌鸚鵡閑相殢念出彌陀字雙行纏屏梵王前但見水沉香嫩博山煙○餅留第一泉來供花散黃梅凍他生菴得在西天願與蕭郎倣个並頭蓮

其二
晝夢

納桃幾點紅如酒凭着雕闌久嬌波半合午歸房白髮無端蹙亂鬟邊風○夢中伊對雙鬟笑從不防他詎醒時不比夢時真急喚雙鬟跪倒問來因

好事近

竹溪寒汎

一棹夕陽天招取水雲同宿壓遍短橋衰柳雪顛花

成六〇研將濕葦着紅爐杯寫三蕉綠搘梓所水
雲有漁蓑相逐

鵲橋仙

感悟

名姬駿馬劍花書籠都交付芭蕉聲裏靠門一帶蔚
藍天眼飽盡江東煙水〇兩頓紅粳一床蘆絮家近
鷗波亭子閨中教我覓封侯笑謝曰卿其休矣

望江南三調

幽居

梅窓令玉藥放懶初誰個尋花園吏夢可憐廻雪洛

神書吾自愛吾廬

其二

桐陰下鶯語碧嬋娟小雨廉纖染似醉軟風繚繞柳
無眠多謝養花天

其三

簾不捲放腳睡鄉深幾載覩酸紅杏眼有誰閑領翠
蘭心明月是知音

減字水蘭花

對鏡

畫他不得秋水一泓偷印出一樣盈盈只少嬌嬌怯
怯等○荷散自照分明露下花含笑半帶朝酣私倩

晉城正王簪

其二

誰能消受恰帶三分紅杏瘦似笑還顰對面元非酒
個人○檀郎酒記要數佳人他第二除我除他此外
如何見得些

其三

鴻臚

吳菱將老拾翠相邀湖澈好小撥迴塘冷碧濺裙玉
汗香○綠蒲深處笑趁雙鴛同住住見有人來故意
蘭橈攏不開

踏莎行

訴秋

七夕慳過中秋到快翦雲蕉葉留殘黛蓮房粉老畫
船乾斷紅流處蔡無賴○露泣雞冠煙銷書帶誰家
曉角高樓外舊時紈扇撲流螢但教點破無情派

其二

春望

睡幾天分聽闌百舌白雲研做楊花雪藕絲衫子扣
鶯鶯內將半面教人瞥○且上晴樓繡幃低揭花泥
馬汗香街血東風肯替美人忙隔江吹向劉郎誤

桃源憶故人

采桑

一庭麥雨薔薇亞穠綠搆成新夏蠶市今番來也剛
值開閨罷○碧雲叢裏紅衫卸錯認海棠花謝剪得
半筐歸舍釵挂桑枝下

其二 閨草

秋千架閣檀槽亞百寶欄邊尋要生被香薰撩惹暗
個輸贏者○爭多說少渾闊話鬧過殘春聊且捨得
別人盈把翻要將郎打

虞美人

暖水

不曾認得春江水自道嬌無比照來試問妾如何但

覺澄波爲眼眼爲波○曉濤微颺銀鸞曲看殺心難足君情倘得似春流也有玉奴眉眼在心頭

搢練子吹簫

聽如訴晚涼盈廿四橋頭月倍明壓倒嫦娥何處也水晶宮裏碧無聲

其二

搢衣

紅袖卷月橫勾石當支機笑女牛傳得玉闌褪一縷
杵腰細似楚宮秋

浣溪紗

課花

一逕紅芳滲碧紗。夢中不肯放春華。數行勾罷淺深霞。
○限定侍兒澆夕露。更央蜂蜜採隣家。嫩香多處好箇他。

醉公子

除夜

守得伊先寢。商量明日怎柄子。繁花新小姑。專學人
○霎地今年舊。五更三點漏。一見一回鮮。何妨又一年。

眼兒眉

雨中新柳

漠漠纖腰裏。初春瘦綠洗輕雲。玉太病後雙鬟扶起。

眉角低顰○舞風無力如嫌重濕燕怯歲身武昌門
外將攀還忍暗拂漁津

少年遊

本意

驕驕香趁金丸嬌打花碎五陵秋粉面懸人鞭鞭問
酒穿過段橋頭○喚回蘇小同船去低柳臥蘋洲月
嬾湖嬌笙殘鐘鬧火背紅樓

疎簾澹月

山居爲仲引作

貪奇惶怪記薄梓名傳醉侯曾拜香老春蕪償儘迷
樓花債回頭月落流鶯外舉負殼遠山墳黛一窓淚

碧甃與十望明朝難待○儂自有鹿車同載檢點
風江梅苑在玉磬多情蕙草也成雙帶墨研香鬱鳥
絲界奇絕處夏雲初賽枕中驚覺松風夢好挂瓢人
再

葛山溪

田家樂

天斜墻杏蒲綠渾如草麥浪疊青青正楊柳貪眠未
覺漁童矮笛吹出半村花雲千頃一鏘金無酒聽黃
鳥○畫眉小婦携餚低低笑未老嫩晴天來日怕清
明雨到春過一半不用隔宵愁我背癆待誰撓且倩